



Sesida dals

12 da november 2019

Communitgà ils

14 da november 2019

Protocol nr.

836

## Dumonda Rettich

concernent in post spezialisà chantunal per dumondas da vegliadetgna

### Resposta da la regenza

*Tar dumonda 1:* L'uffizi da sanadad ha realisà gia avant bainbaud 20 onns ch'in post spezialisà chantunal "vegliadetgna" po esser util sco plattafurma d'infurmaziun, da coordinaziun e da cussegliaziun per dumondas da vegliadetgna. Correspundentamain ha l'uffizi da sanadad endrizzà in post spezialisà "vegliadetgna" (cf. er: <http://www.alter.gr.ch/de/seite/kantonale-verwaltung>). Quel ha en spezial las suandantas incumbensas: examinaziun da las dumondas per survegnir ina permissiun da manaschi per purschidas staziunaras ed ambulantas, surveglianza e cussegliaziun da purschidas staziunaras ed ambulantas, cussegliaziun e cooperaziun tar il svilup da novas purschidas.

Ultra dal post spezialisà "vegliadetgna" porscha er la partiziun "promoziun da la sanadad e prevenziun" – ch'è er domiciliada en l'uffizi da sanadad – cussegliaziuns ed infurmaziuns en il rom dal project "Saun en la vegliadetgna" (cf. <https://bischfit.ch/f/senioren/>), e quai en stretga coordinaziun cun il post spezialisà "vegliadetgna". En vista a questa situaziun da partenza na vesa la regenza nagin basegn d'agir per stgaffir in post spezialisà supplementar.

*Tar dumonda 2:* La purschida dal post spezialisà "vegliadetgna" vegn duvrada vivamain e correspunda ad in vair basegn. Il post spezialisà "vegliadetgna" porscha infurmaziuns per persunas pertutgadas e gida ad optimar projects. En il Grischun na datti strusch in project en il sector da la vegliadetgna che n'avess betg profità dals servetschs dal post spezialisà.

Tar dumonda 3: Sin basa da las respostas qua survart n'è d'identifitgar nagin potenzial concernent in post spezialisà supplementar. Nus examinain, sch'igl è avant maun in potenzial per meglierar l'accessibladad a las infurmaziuns sin la pagina d'internet.



En num da la Regenza

Il president:

Il chancelier:

Dr. Jon Domenic Parolini

Daniel Spadin